



文獻通考卷之二百二十四

鄱陽馬端臨貴與著

王禮考

山陵

秦二世葬始皇驪山始皇初即位穿治驪山及并天下天下徒送詣七十餘萬人穿三泉下銅徐廣曰一作鈿錫鑄塞。正義曰而致擗

宮觀百官奇器珍怪徙藏滿之正義曰言冢內作宮觀及百官位令

匠作機弩矢有所穿近者輒射之以水銀為百川江河大海機相灌

輸正義灌音上具天文下具地理以人魚膏為燭徐廣曰人魚俗鮓

志云鮓魚聲如小兒啼有四足形如鱧可以治牛出伊水異物志云

從中出秦始皇冢中以人魚膏為燭即此魚也出東度不滅者久之

正義度音二世曰先帝後宮非有子者出焉不宜皆令從死死其甚

衆葬既已下或言工匠為機藏皆知之藏即泄太事畢已藏閉中

美正義曰音廷下同謂冢中神道

山皇覽曰寶為五十餘丈周迴五里正義曰關中記云始皇山在驪山泉本北流陣使東西流有土無石取大石於渭山諸山

地志云秦始皇陵在雍州新豐縣西南十里

漢舊儀驪山者古之驪國晉獻公伐之而取二女曰驪姬此山多

黃金其南多美玉曰藍田故始皇貪而葬焉使丞相李斯將天下

刑人徒隸七十二萬人作陵鑿以章程三十七歲錮水泉絕之塞

以文石致以丹漆深極不可入奏之曰丞相臣斯昧死言臣所將

隸徒七十二萬人治驪山者已深已極鑿之不入燒之不然叩之

空空如下夫狀制曰鑿之不入燒之不然其旁行三百丈乃止

漢高祖十年秋七月癸卯太上皇帝崩葬萬年師古曰三輔黃圖云高祖初居驪陽故太上皇帝因在驪陽十年太上皇帝崩葬萬年

葬其北原起萬年邑置長丞也赦檠陽囚死罪已下在檠陽縣界故

特赦之

漢舊儀太上皇萬年邑千戶徙天下民訾三百萬以上與田宅守

### 陵

十二年夏四月甲辰帝崩于長樂宮五月丙寅葬長陵自崩至葬凡二十三日長

陵在長安已下柩也皇太子群臣皆反至太上皇廟群臣曰帝起細

微撥亂世反之正乎定天下為漢太祖功最高上尊號曰高皇帝太

子即位賜視作斤上者將軍四十金服虔曰斤上廣上也如海曰斤開也開二地為冢墳故以開斤

言之鄭氏曰四十金四十斤金也晉灼曰近上二千石賜錢二千石

二十金六百石以上六金五百石以下至佐史二金

漢興立都長安徙齊田楚昭屈景及諸功臣家於長陵後世世徙

吏二千石高貴富人及豪傑兼併之家於諸陵長陵邑萬戶

奉常屬官有諸廟寢園令長丞東園匠令丞主作陵內器物又有

園郎寢郎故事近臣皆隨陵為園郎園中各有寢便殿日祭於寢

月祭於廟時祭於便殿寢日四上食丞相以四時行園武帝時人

園瘞錢者丞相嚴青翟坐罪自殺

惠帝七年八月戊寅崩九月辛丑葬安陵自崩至葬九二十四日安陵在長安北三十五里法

文帝治霸陵皆瓦器不得以金銀銅錫為飾後七年六月己亥帝崩遺詔霸陵山川因其故無有所改應劭曰因山為藏不復起墳上下

令郎中令張武為復土將軍如淳曰主穿墳實瘞事也師古曰穿墳

景帝五年春作陽陵邑張晏曰景帝作壽陵起邑夏募民徙陽陵

後三年正月甲子帝崩二月癸酉葬陽陵自崩至葬凡十四日陽陵在長安東北四十五里

惠帝安陵文帝霸陵景帝陽陵邑各萬戶徙民與長陵等

武帝建元二年初置茂陵邑武帝自作陵建元六年四月高園便殿火董仲舒言魯哀公時桓僖宮災亳社

與魯災同天皆焚其不當立者以示魯今高園殿不當居陵旁於禮亦不當立

後元二年二月丁卯帝崩三月甲申葬茂陵自崩至葬凡十八日茂陵在長安西北八十里

元帝時貢禹奏言武帝弃天下昭帝幼弱霍光專事不知禮正安多藏金錢財物鳥獸魚鱉牛馬虎豹生禽凡百九十物盡瘞藏之

又皆以後宮女置於園陵大失禮逆天心又未必稱武帝意也昭帝晏駕光復行之至孝宣皇帝時陛下惡有所言群臣亦隨故事

甚可痛也唯陛下深察古道諸園陵女亡子者宜悉遣獨杜陵宮數百誠可哀憐也漢法天子即位一年而為陵天下貢賦三分之一

一供宗廟一供賓客一供山陵武帝歷年久長比崩陵中至不復

昭帝元平元年四月癸未帝崩六月壬申葬平陵自崩至葬凡四十九日平陵在長安茂陵富人焦氏賈氏陰積貯炭葦諸下里物死者歸高里葬昭帝地故曰下里

大行時方上事暴起用度未辦田延年奏商賈預收方上不祥器  
物異其疾用欲以求利非民臣所當為請沒入縣官從之

宣帝黃龍元年十二月甲戌帝崩初元元年正月辛丑葬杜陵自崩至葬

凡一十八日杜陵在長安南五十里

漢舊儀武帝治茂陵昭帝平陵宣帝杜陵邑皆取二千石將相守  
陵故三陵多貴皆三萬戶至五萬戶

元帝永光四年分諸陵屬三輔以渭城壽陵亭部原上為初陵詔曰  
安土重遷黎民之性骨肉相附人情所願也頃者有司緣臣子之義  
奏徙郡國民以奉園陵令百姓遠奔先祖墳墓破業失產親戚別離  
人懷思慕之心家有不自安之意是以東垂被虛耗之害關中有無  
聊之民非久長之策也詩不云率民亦勞止迄可小康惠此中國以  
綏四方今所為初陵者勿置縣邑使天下咸安土樂業亡有動搖之  
心布告天下令明知之

竟寧元年五月壬辰帝崩七月丙戌葬渭陵

自朔至葬五十五日渭陵在長安北五十六里

有司言乘輿車牛馬禽獸皆非禮不宜以葬奏可

成帝永始元年七月詔曰朕執德不固謀不蓋下過聽將作大匠萬  
年言昌陵三年可成作治五年中陵司馬殿門內尚未加功天下虛  
耗百姓罷勞客土疏惡終不可成朕惟其難怛然傷心夫過而不改  
是謂過矣其罷昌陵及故陵勿徙吏民令天下毋有動搖之心

二年詔曰前將作大匠萬年知昌陵卑下不可為萬歲居奏請營作

建置郭邑妄為巧詐積土增高多賦斂繇役興卒暴之作卒徒蒙辜

死者連屬百姓罷極天下匱竭常侍閑前為大司農中丞數奏昌陵

不可成侍中衛尉長數白宜早止徙家反故朕以長言下閱章公卿

議皆合長計首建至策閱典主省大費民以康寧閑前賜爵關內侯

黃金百斤其賜長為關內侯食邑千戶閎五百戶萬年佞邪不忠毒

流衆庶海內怨望至今不息雖蒙赦令不宜居京師其徙萬年燬煌

陳湯與將作大匠解萬年相善自元帝時渭陵不復徙民起邑成  
 帝起初陵數年後樂霸陵曲亭南更營之萬年與湯議以為武帝  
 時工楊光以所作數可意自致將作大匠及大司農中丞景壽昌  
 造杜陵賜爵關內侯將作大匠乘馬延年以勞苦秩中二千石今  
 作初陵而營起邑居成大功萬年亦當蒙重賞子公妻家在長安  
 見子生長長安不樂東方宜求徙可得賜田宅俱善湯心利之貼  
 上封事言初陵京師之地最為肥美可立一縣天下民不徙諸陵  
 三十餘歲矣關東富人益衆多規良田役使貧民可徙初陵以彊  
 京師衰弱諸侯又使中家以下得均貧富湯願與妻子家屬徙初  
 陵為天下先於是天子從其計果起昌陵邑後徙內郡國民萬年  
 自詭三年可成後卒不就群臣多言其不便者下有司議皆曰昌  
 陵因卑為高積土為山度便房猶在平地上客土之中不保幽宮

之靈淺外不固卒徒工庸以鉅萬數至難脂火夜作取土東山且  
 與穀同賈作治數年天下徧被其勞國家罷散府藏空虛下至衆  
 庶熬熬苦之故陵因天性據真土處執高敞旁近祖考前又已有  
 十年功緒宜遠復故陵勿徙民上廼下詔罷昌陵

時營起昌陵數年不成復還歸延陵制度奢泰光祿大夫劉向上  
 疏諫曰昔孝文皇帝居霸陵北臨廁肥度曰廁則近水也李奇曰

其上也意悽愴悲懷顧謂群臣曰嗟乎以北山石為椁用紵絮斷  
 陳漆其間應劭曰斷斬也陳施也孟康斷絮以漆著其間也師  
 為椁紵絮者可以著衣之絮也斷而陳土間若定也故云以北山石  
 又從而漆之也紵音張呂反斷音側角反豈可動哉張釋之進

曰使其中有可欲雖錮南山猶有隙使其中無可欲雖無石椁又

何感焉師古曰錮謂鑄塞也云錮南夫死者無終極而國家有廢

典故釋之之言為無窮計也孝文寤焉遂薄葬不起山墳易曰古

之葬者厚衣以薪藏之中野不封不樹師古曰厚衣之以薪言積

土為墳也不樹謂不後世聖人易之以棺槨棺槨之作自黃帝始

黃帝葬於稿山師古曰在上堯葬於陰丘龍皆小葬具其微曰堯

墳也舜葬蒼梧二妃不從師古曰二妃禹葬會稽不改其列曰鄭氏

改樹木百物之列也如淳曰列壟也墨子曰禹葬會稽之山既葬

叔餘襄其上隴若參耕之畝則止矣晉灼曰列肆也淮南子云舜

葬蒼梧不變其肆言不煩於民也師古曰鄭說也淮南子云不

變其肆肆者故也言山川田畝皆如故耳非列義也晉氏失之

殷湯無葬師古曰謂不文武周公葬於畢李奇曰在岐州之間

西於豐三十里師古曰二說皆非春穆公葬於雍橐泉宮祈年館

下樛里子葬於武庫又穎曰秦惠王異母也師古曰樛里子且

子宮夾我墓及漢興長樂宮在其東皆無丘隴之處此聖帝明王

賢君智士遠覽獨慮無窮之計也其賢臣孝子亦承命順意而薄

葬之此誠奉安君父忠孝之至也夫周公武王弟也葬兄甚微孔

子葬母於防稱古墓而不墳師古曰墳謂墳也曰丘東西南北之

人也不可師古曰東西南北為四尺墳

遇兩而崩弟子修之以告孔子孔子流涕曰吾聞之古者不修墓

蓋非之也延陵季子適齊而反其子死於贏博之間師古曰二邑

其間穿不及泉斂以時服封墳培坎其高可隱孟康曰隱蔽之

曰墳謂人兵可隱也師古而號曰骨肉歸復於土命也魂氣則

無不之也夫贏博去吳千有餘里季子不歸葬孔子往觀曰延陵

季子於禮合矣故仲尼孝子而延陵慈父舜禹忠臣周公弟弟其

葬君親骨肉皆微薄也非苟為儉誠便於體也宋桓司馬石椁仲

尼曰不知速朽李奇曰非恒也秦相呂不韋集知略之事而

造春秋亦言薄葬之義皆明於事者也逮至吳王闔閭違禮厚葬

十有餘年越人發之及秦惠文武昭嚴襄五王師古曰嚴襄者謂

皆大作丘龍多其瘞藏咸盡發掘暴露甚足悲也秦始皇帝葬於

驪山之阿師古曰阿下錮三泉上崇山墳其高五十餘丈周回五

里有餘石椁為游館李奇曰廣中為遊館也師古曰多人魚

膏為燈燭水銀為江海黃金為冕鴈珍寶之藏機械之變孟康曰

木人之屬盡其巧變也晉灼曰始星本紀今匠作機弩矢有所穿

近輒射之又言工匠為機咸皆知之已下則美門皆殺工匠也師

古曰晉棺椁之麗宮館之盛下可勝原  
生糞工匠計以萬數天下苦其役而反之驪山之作未成而周章

百萬之師至其下矣項籍燔其宮室營宇往者咸見發掘師古曰

墓所者發掘之而求財物也其後牧兒亡羊羊入其鑿師古曰鑿謂所穿牧者

持火照求羊失火燒其藏椁自古至今葬未有盛如始皇者也數

年之間外被項籍之災內離牧豎之禍師古曰離遭也豈不哀哉是故德

彌厚者葬彌薄知愈深者葬愈微無德寡知真葬愈厚丘龍彌高

宮室愈麗發掘必速由是觀之明暗之效葬之吉凶昭然可見矣

周德既長而奢侈宣王賢而中興更為儉宮室小寢廟詩人美之

斯干之詩是也上章道宮室之如制下章言子孫之衆多也師古曰

室如制謂殖殖其廷有覺其楹君子似寧也子孫衆及魯嚴公師

多謂維熊維罴男子之祥維虺維蛇女不之祥也

曰即莊公也刻飾宗廟多築臺囿師古曰解後嗣再絕孟康曰謂子孫

春秋刺焉周宣如彼而昌魯秦如此而絕是則奢儉之得失也陸

下即位躬親節儉始營初陵其制約小天下莫不稱賢明及徙昌

陵增埤為高師古曰埤下也音婢積土為山發民墳墓積以萬數營起邑居

其日迫卒師古曰卒讀曰卒功費大萬百餘應劭曰大萬億也大巨也死者恨於下生

者愁於上怨氣感動陰陽因之以饑饉物改流離以十萬數師古曰

故謂死也流離謂亡其居處也臣其悔焉師古曰悔謂不吉感於此事也以死

者為有知發人之墓其害多矣若其無知又實用大師古曰謀之

賢知則不說以示眾庶則苦之師古曰說讀曰若苟以說愚夫淫

侈之人又何為哉陛下慈仁篤美甚厚聰明疏達蓋世宜弘漢家

之德崇劉氏之美光昭上帝三王而顧與暴師古曰暴亂君競為奢侈比

方丘壝師古曰壝說愚夫之目隆一時之譽違賢知之心亡萬世

之安臣竊為陛下羞之惟陛下上覽明聖黃帝堯禹湯文武周



公仲尼之制下觀賢知穆公延陵樽里張釋之之意文皇帝去  
墳薄葬以儉安神可以為則秦昭始皇增山厚藏以修生害足以  
為戒勿陵之撫宜從公卿大臣之議應劭曰撫音知墓之墓師古  
亥成傳及蕭望之傳規以息乘庶書奏上其感向言而不能從其  
無音義皆同其子從木

計

永始四年出社陵諸未嘗御者歸家官人無子乃

綏和二年三月丙戌帝崩四月己卯葬延陵自崩至葬凡五十四日  
陵在扶風去長安六

十二里

哀帝元壽二年六月戊午帝崩八月壬寅葬義陵自崩至葬凡百五  
日義陵在扶風去

長安四十六里

平帝元始元年詔義陵民冢不妨殿中者勿廢如淳曰陵上有宮  
殿中謂廣中象正殿處

曰殿中師古曰此說非也

六月乙未義陵寢神衣在押中丙申旦衣在外牀上哀帝崩也衣  
在寢中今自

出在外牀上師寢令以急變聞非常之事用太牢祠

五年十二月丙午帝崩葬康陵在長安北六十里

東漢皇帝葬儀以木為重高九尺廣容八歷裹以葦席巾門喪帳皆

以簞車皆去輔輻疏布惡輪走卒皆布構憤太僕四輪輶為賓車大

練為屋幙中黃門虎賁各二十人執紼司空擇土造窆太史卜日謁

者二人中謁者侯射中謁者副將作油緹帳以覆坑方石治黃腸題

湊便房如禮漢舊儀略載前漢諸帝壽陵曰天子即位明年將作大  
匠營築地用也

三丈墳高十二丈武高墳高二十丈明中高一丈七尺四周二丈內  
梓棺柏黃腸題湊以次百宮藏其設四通美門容大車六馬皆藏

之內方外陟車石外方立牛耕新戶戶設夜龍莫邪劬伏弩設伏火  
已營發餘地為西國右陵餘地為園好以下次賜親屬功臣漢書音

義曰題頭也湊以頭向內所以為園也便房藏中便坐也皇覽曰漢  
家之葬方中百步已穿築為方城其中開四門四通足故六馬然後

錯運雜物於漆網綺金寶米谷及埋車馬虎豹禽獸等物  
將軍尉候以優官貴幸者皆守園陵元帝葬乃不埋車馬禽獸等物

大駕太僕御六相氏黃合四目蒙熊皮玄衣朱裳執戈揚楯立乘四

馬先驅周禮曰方相也大喪先柩及墓入壙以戈擊四隅方良鄭  
玄曰方相也

子之樽柏黃腸為最表以石濟之制長三刃十有二游或地畫日月  
焉國語曰木石之怪變罔兩濟之制長三刃十有二游或地畫日月  
升龍書旒曰天子之拒謁者二人立乘六馬為次大駕甘泉園簿金  
根容車蘭臺法駕喪服大行載飾如金根車皇帝從送如禮太常上  
啓奠夜漏二十刻太尉冠長冠衣齋衣乘高車詣殿上車門外使者  
到南向立太尉進伏拜受詔太尉詣南郊未盡九刻六鴻臚設九賓  
隨立群臣入位太尉行禮執事皆冠長冠衣齋衣太祝令跪讀謚策  
太尉再拜稽首治禮告事畢太尉奉謚策還詣殿端門太常上祖奠  
中黃門尚衣奉衣登容根車東園武士執戟大行司徒却行道立車前  
治禮引太尉入就位大行車西少南東面奉策太史令奉哀策立後  
太常跪曰進皇帝進太尉讀謚策藏金匱皇帝次科藏于廟太史奉  
哀策葦篋詣陵太尉旋復公位再拜立哭太常跪曰哭大鴻臚傳哭  
十五舉音止哭太常行遣奠皆如禮請哭止哭如儀晝漏上水請發  
司徒河南尹光引車轉太常跪曰請拜送載車著白系參纒紼長三

十丈大七寸為輓六行行五十人公卿以下子弟凡三百人皆素幘  
委貌冠衣素裳校尉三人皆赤幘不冠絳紗單衣持幢幡候司馬丞  
為行首皆銜枚羽林孤兒巴俞權歌者六十人為六列鐸司馬八人  
執鐸先大鴻臚設九賓隨立陵南羨門道東北面諸侯王公特進道  
西北面東上中二千石二千石列侯直九賓東北面西上皇帝白布  
幕素裏夾羨道東西向如禮容車帷坐羨道西南向車當坐南向東  
黃門尚衣奉衣就坐車少前大祝進醴獻如禮司徒跪曰大駕請  
舍太史令自車南北面讀哀策掌故在後已哀哭太常跪曰哭大鴻  
臚傳哭如儀司徒跪曰請就下位東園武士奉下車司徒跪曰請就  
下房都道東園武士奉車入房司徒太史令奉謚哀策晉時有人高  
簡一枚上行兩行科斗書之臺中外傳以相示莫有知者司空張華  
以問博士東晉曰此明帝顯節陵中策也檢校果然知策用此書  
也東園武士執事下明器禮記曰明器神明之也孔子謂為明器知  
陳明器以而宵八忒容三升類也其容蓋與簋同黍一稷一麥一  
行南端為上宵八忒容三升類也其容蓋與簋同黍一稷一麥一

梁一稻一麻一菽一小豆一瓊三容三升醴一醴一胥一鄭玄註既

挂之黍飴載以木桁覆以疏布無二容三升醴一酒一載以木桁覆

以功布瓦鐙一彤矢四軒輜中亦短衛彤矢四骨短衛既夕日臘矢

衛鄭玄曰雅猶候也候物而射之矢也四矢曰乘骨鏃短衛亦示不

用也生時服矢金鏃凡為矢五分奇長而羽其一通俗文曰細毛鏃

也丹弓一厄八年鄭玄註既夕日鄭玄註既夕日鄭玄註既夕日

鄭玄註既夕日杖几各一蓋一鍾十六無簋罇四無簠謂之鏞郭璞

鏞匣盛黑也杖几各一蓋一鍾十六無簋罇四無簠謂之鏞郭璞

註口書曰笙鏞磬十六無簋罇四無簠謂之鏞郭璞

夬各一竿一甲一由一既夕謂之給服輓車九乘芻靈三十六匹鄭

註禮記曰芻靈束茅為瓦竈二瓦釜二瓦甑一瓦鼎十二容五升匏

勺一容一升瓦案九瓦大杯十六容三升瓦小杯二十容二升瓦飯

槃十瓦酒樽二容五升匏勺二容一升祭服衣送皆畢東園匠曰可

哭在房中者皆哭太常大鴻臚請曰大止如儀司徒曰百官事畢臣請

罷從入房者皆再拜出就位太常導皇帝就贈位司徒跪曰請進

侍中奉持鴻洞贈玉珪長尺四寸薦以紫巾廣表各三寸緹裏而纁

周緣贈幣玄三纁二各長尺二寸廣充幅皇帝進跪臨羨道房中西

向手下贈投鴻洞中三東園匠奉封入藏房中太常跪曰皇帝敬拜

拜請哭大鴻臚傳哭如儀太常跪曰贈事畢皇帝促就位漢書曰

徒跪皇典喪事葬日三公入安梓宮還至羨道半途上欲下明帝能司

頭言禮天子鴻洞以贈所以重郊廟也陛下奈何冒危險不以義明帝能司

即還容根車游載容衣司徒至便殿並輦騎皆從容車玉帳下司徒

跪曰請就恠導登尚衣奉衣以次奉器衣物藏於便殿太祝進醴獻

凡下用漏十刻禮畢司空將校傷土皇帝皇后以下皆去麤服服大

紅還宮反廬立主如禮桑木主尺一寸不書謚虞禮畢樹於廟如禮

漢舊儀曰向帝崩三日小斂空中廟下作栗木主長八寸前方後圓

圍一尺置壙中望外內張懸絮以彰外以皓木大女指長三尺四枚

纏以皓皮四方置壙中主居其中夫七日大斂棺以黍飯羊舌祭之

墟中已葬收主為木子藏廟太室中西牆壁暗中望內外不出室堂

之上坐為五時衣冠履几杖竹龍為備人無頭坐起如生前皇后主

長七寸圍九寸在皇帝主右旁高皇帝主長九寸上林給栗木長安

祠廟作神主東園祕器作梓指素木長丈三尺廣四尺先大駕日游冠衣于諸宮諸殿群臣皆

吉服從會如儀皇帝近臣喪服如禮醴大紅服小紅十一升都布練冠醴小紅服織醴織服留黃冠常冠近臣及二千石以下皆服留黃冠百官衣皂每變服從哭詣陵會如儀祭以特牲不進毛血首司徒光祿勳備三爵如禮

太皇太后皇太后之喪合葬羨道開通皇帝謁便房太常道至羨道去杖中常侍受至柩前謁伏哭止如儀辭大常道出中常侍授杖升車歸宮也已下及虞立主如禮諸郊廟祭服皆不便房王時朝服各一襲在陵寢其餘及宴服皆封之必筭藏宮殿後閣室

世祖建武二年以皇祖考墓為昌陵直陵令守視後改為章陵因以春陵為章陵縣

六年四月幸長安始謁高廟遂有事于十一陵  
十年八月幸長安祠高廟遂有事于十一陵

十一年二月幸章陵祠園陵

十八年二月幸長安祠高廟有事于十一陵

二十二年幸長安祠高廟有事于十一陵以後幸長安謁陵不錄

古不墓祭漢諸陵皆有園寢承所為也說者以為古宗廟前制

廟後制寢以象人之居前有朝後有寢也月令有先薦寢廟詩稱寢廟奕奕言相通也廟以藏主以四時祭寢有衣冠几杖象生之具以薦新物秦始出寢起於墓側漢因而弗改故陵上稱寢殿起居衣服象生人具名寢之意也建武以來關西諸陵以轉久遠但

四時特性祠帝每幸長安謁諸陵乃太牢祠自雒陽諸陵至靈帝皆以晦望二十四氣伏臘及四時祠朝日上飯太官送用物園令

食監省其親陵所宮人隨鼓漏理被枕具盥水陳嚴具

三十六年初作壽陵初作陵求有名故號壽陵取長久之義將作大匠竇融上言園陵

廣袤無慮所用說文曰南北曰袤東西曰廣無慮都凡也謂諸園陵都凡制度也帝曰古者帝王之

葬皆陶人瓦器木車茅馬使後世之人不知其處太宗識終始之義

景帝能述遵孝道遭天下反覆而霸陵獨完受其福豈不美哉謂赤眉入

長安惟霸陵下稱今所制地不過二三頃無為山陵陂池哉今流水而已

光武葬原陵山方三百二十三步高六丈六尺垣四出司馬門寢殿

鍾虞皆在周垣內提封田十二頃五十七畝八十五步帝王世記曰

在臨平亭之南西望平陰東南去雒陽十里帝以中元二年二月戊戌崩三月丁卯葬

明帝永平元年正月帝率公卿已下朝於原陵如元會儀

漢制正月五供畢以次上陵西都舊有上陵東都之儀百官四姓

親家父母公主諸王大夫外國朝者侍子郡國計吏會陵晝漏上

水鴻臚設九賓隨立寢殿前鐘鳴謁者治禮引客群臣就位如儀

乘輿自廟下太常導出西向拜止旋升阼階拜神坐退坐東廟西

侍中尚書陞者皆神坐後公卿群臣謁神坐太官上食太常樂奏

食舉文始五行之舞禮樂闋君臣受賜食畢郡國上計吏以次前

當神軒占其郡穀價民所疾苦欲神知其動靜孝子事親盡禮

愛之心也周徧如禮最後親陵遣計吏賜之帶佩八月飲耐上陵

禮亦如之

致堂胡氏曰送死之禮即遠而無近至于墓則終事盡矣人子

孝思不忘則專精于廟享而已矣蓋墓藏體魄而致生之是不

智也廟以宅神而致死之是不仁也此聖人制禮明乎幽明之

故仁智合而理義也既已送形而往安于地下迎精而反主于

廟中而又致隆於陵園如元會儀上令奏樂郡國奏計言民疾

苦是反易陵廟之理以體魄為有知虛廟祀而不重設復舉廟

中之主而祭於陵所皆違禮也夫喪葬即遠豈得已而為之不

可沐浴而不歛也故為之歛不可歛而不殯也故為之殯不可

殯而不葬也故為之葬首為制以節賢者之過而引不肖者

之不及也若遂孝子思慕無窮之心則葬之之不得見曷若存

之於殯之為近殯諸客位之為近曷若勿斂勿浴勿飯勿含之  
可以稱吾之不忍也原情至此則大聖至愚均於不行故不若  
循豐當節之為當也明帝此舉蓋生於原廟祭豈不折衷以聖  
人之制而直論其情情豈有既哉使明帝移此情於四時太廟  
之祭簠簋豆尊彝鼎俎惟禮之循而兢兢業業監于光武成  
憲指益脩明之期乎至治其為孝也雖聖主何以加諸

永平七年陰太后崩柩將發於殿群臣百官陪位黃門鼓吹三動鳴  
鐘鼓天子舉哀女侍史官三百人皆着素參以白索引棺挽歌下殿  
就車黃門宦者引以出宮省太后魂車鸞路青羽蓋駟馬龍旂九旒  
前有方相鳳凰率大將軍妻參乘太僕妻御悉遵公卿百官如天子  
郊鹵簿儀後和熹鄧后葬案以為儀自此皆降損於前事也

陰太后崩帝追慕無已當謁原陵夜夢先帝太后如平生歡悲不  
能寐即案歷明旦吉遂率百官上陵其日降甘露於陵樹令百官

采取以薦帝伏御床視太后鏡奩中物感動悲涕令易脂澤裝具

左右悲泣莫敢仰視

明帝葬顯節陵山方三百步高八丈無周垣為行馬四出在殿北提

封田七十四頃五畝帝王世記曰故置壽亭也西北去雒陽三十七

里帝以永平十八年八月壬子崩其月壬戌葬

帝初作壽陵制令流水而已石椁廣一丈二尺長二丈五尺無得

起墳東觀記曰陵東此作廟長三丈萬年之後掃地而祭杆水脯

糝而已杆飭器方言也過百日唯四時設奠會吏卒數人供給灑

掃勿開修道故有所謂若以擅議宗廟法從事

章帝欲為原陵顯即陵起縣邑東平王蒼上疏諫曰切見光武皇帝

躬履儉然之行宮廷陵地其稱古典詔曰無有山陵陂池裁令流水

而已孝明皇帝奉承無違至於自所營創尤為儉省古者丘壟且不

欲其著明况築若邑廷都郭哉又以吉凶俗數言之亦不欲無故繕

修丘墓帝從而止

章帝敬陵山方三百步高六丈二尺無周垣為行馬四出司馬門右

殿鐘虞在行馬內寢殿園省在東園寺吏舍在殿北提封田二十五

頃五十五畝帝王世紀云在雒陽東南去雒陽三十九里帝以章和二年正月

壬辰崩三月癸卯葬

和帝真陵山方三百八十步高十丈無周垣為行馬四出司馬門右

殿鐘虞在行馬內寢殿園省在東園寺吏舍在殿北提封田三十一

頃二十畝二百步帝王世紀曰在雒陽四十一里帝以元興元年十一月辛未崩次年

三月甲申葬

殤帝康陵山周二百八步高五丈五尺行馬四出司馬門寢殿鐘虞

在行馬中因寢殿為廟園吏舍在殿北提封田十三頃十九畝二

崩九月丙寅葬

百五十步帝王世紀曰高五丈四尺去雒陽四十八里帝以延平元年八月辛亥

安帝恭陵山周二百六十步高十五丈無周垣為行馬四出司馬門

右殿鐘虞在行馬內寢殿園吏舍在殿北提封田一十四頃五十

六畝帝王世紀曰高十一丈在雒陽西北去雒陽十五里帝延光四年三月丁

外幸葉崩下乘輿幸未發喪四月己酉葬

順帝憲陵山方三百步高八丈四尺無周垣為行馬四出司馬門右

殿鐘虞在司馬門內寢殿園省寺吏舍在殿東提封田十八頃十九

畝三十步帝王世紀曰在雒陽西北去雒陽十五里帝以建康元年八月庚午崩九

月丙午葬

冲帝懷陵山方百八十三步高四丈八尺為寢殿行馬四出門園寺

帝以永元元年正月戊戌崩其月己未葬

吏舍在殿東提封田五頃八十畝帝王世紀曰西北去雒陽十五里

冲帝崩將北卜山陵李固議曰金匱之趣寇賊軍興用費加倍新創

憲陵賦發非一尚幼小可起陵於憲陵塋內依康陵制度其於

後費三分之一乃從因議

質帝靜陵山方百三十六步高五丈三尺為行馬四出門寢殿鐘虞  
在行馬中園寺更舍在殿北提封曰二頃五十一畝因寢為廟帝  
王世紀曰在雒陽去雒陽三十二里帝以本初元年閏六月  
甲申崩六月乙卯葬

桓帝宣陵帝王世紀曰山方一百零四十二丈在雒陽東南去雒陽

三十里帝以延熹九年十二月辛  
丑崩次年二月辛酉葬

靈帝熹平元年正月車駕上原陵詣伏王公及外戚家婦女郡國計  
吏匈奴單于西域三十六國侍子皆賀焉如舍殿之儀禮樂闋百官  
受賜爵計吏以次齋殿前上先帝御坐具言俗善惡民所疾苦司徒  
祭豈慨然嘆曰吾聞古之墓祭而朝廷有上陵之禮如此其備也察  
其本意乃知孝明至孝惻隱不亦甚也或曰本意云何對曰西京之  
時其禮不可得而聞也光武帝始葬于此明帝嗣位逾年群臣朝正  
感先帝不復見此禮乃率公卿百僚就陵而朝焉瓜葛之親男女畢

會郡計吏各向神坐而言庶幾先帝魂神聞聽之也

靈帝文陵帝王世紀曰山方三百步高十二丈在雒陽西北去雒陽

二十里帝中平六年四月丙  
辰崩六月辛酉葬

獻帝禪陵帝王世紀曰在河內山陽之濁城南去雒陽三百一十里

文獻通考卷之一百二十四



鄱陽馬端臨貴與著

三禮考

山陵

禮記王崩遺令無歲金玉珍寶高陵禮記卷之百二十五年正月  
文宣王初二年十月表首陽山東為壽陵

禮記作終制曰禮國君即位為禫存不忘亡也禫音扶歷反臣侯

之棺各有重數棺首堯葬穀林通樹之禹葬會稽農不易也呂氏

之親身者曰禫不寢其肆焉葬會稽禹葬於塗布故外於山林則合乎山林封樹

之制非上古也吾無取焉壽陵因山為體無為封樹無立寢殿造

屋已通神道夫葬也者藏也欲人之不得見也豈無痛瘞之知家

非棲神之宅禮不墓祭欲存亡之不躋也為棺槨足以朽骨衣衾

足以朽肉而已故吾營此丘墟不食之地欲使易代之後不知其



子以奔君於惡群等之諫奔孰甚焉

明帝景初二年帝崩於高平陵

正月丁亥朔

帝崩於九龍殿尚書訪曰當以明皇帝謚告四祖祝文於高皇

稱玄孫之子云何乎禮稱曾孫其謂國家也苟爽鄭玄說皆

云天子諸侯事曾祖已上皆稱曾孫又訪按漢既葬容衣還儒者

以為宜如文皇帝故事以存特所服王肅曰禮雖無容衣之制今

須容衣還而後厚葬宜依尸服卒者上服之制生時葬服可隨所

存至於制度則不如禮孔子曰祭之以禮亦為此也諸侯之上服

則今服也天子不為命服然亦所以命服之上也按漢氏西京故

事月游衣冠則容衣也言冠以正服不以褻衣也尚書又訪容衣

還群臣故當在帳中常填衛見王肅曰禮不墓祭而漢氏正月上

陵神座在西序東向百辟計吏前告郡之穀價人之疾苦欲先帝

魂靈聞知時祭邕以為禮有煩而不可去事亡如存况今無填衛

之禁而合於如事存之義可見於門內拜訖入帳臨乃除服

晉武帝泰始二年八月詔曰此上一旬先帝奔天下之日便已周年思

慕煩毒欲詣陵瞻侍以盡哀情士者具行備安平王孚尚書令裴秀

等奏陛下至孝哀麻錯除哀毀饒食有損神和秋節尚有餘暑謁見

山陵悲感推傷宜降抑聖情以慰萬國帝曰朕得悉瞻山陵以叙哀

憤躰氣自佳耳又曰今當見山陵何心無服其以縗經行詩見國

晉宣王遺令子弟群官皆不得謁陵景文遵旨武帝猶再謁崇陽

陵景帝一謁峻平陵宣帝然遂不敢謁高原陵宣帝至惠帝復止也

晉尚書問禮天子七月也新議曰禮無吉駕象生之飾四海過密

八音豈有擇其縗經以少玄黃黼黻哉雖於行也哀素之心已不稱

矣輒除鼓吹吉駕尚書顧命成王新出明傳遺命文物權

用吉禮又禮一家占宅朝服推此無不吉服也又巾車飾遣車及葬

執蓋從方相衣裳此函簿所從出也今之吉駕亦象生之義凶服

可除鼓吹吉服可設而不作執事百按漢魏故事將葬設吉凶鹵簿  
皆有鼓吹新禮無吉駕道從之文愚按禮葬有祥車曠左則今之容  
車也春秋鄭大夫公孫蠆卒天子追賜大輅使以行禮又士喪禮有  
道車乘車以象生存此禮有吉駕明文既月吉駕則宜有導從宜定  
新禮設吉服道從其凶服吹宜除銘旌建太常畫日月星辰杜云  
九仞旒委地杜元等喪禮遺車易以與木舉奠祭之具及器藏物皆覆  
以白練

漢魏故事大喪及大臣之喪執紼者輓歌新禮以為輓歌出於漢  
武帝役人之勞歌聲哀切遂以為送終之禮雖音曲推情經典所  
制違禮設銜枚義方在號慕不宜以歌為名除不輓歌擊虞以為  
輓歌因倡和而為摧愴之聲銜枚所以全哀此亦以感眾雖非經  
典所載是歷代故事詩稱君子作歌以生哀以歌為名亦無所  
嫌宜定新禮如舊詔從之

武帝崩葬峻陽陵四月己酉崩五月辛未葬

惠帝崩葬太陽陵十一月庚午崩十二月己酉葬

元帝崩葬建平陵明帝徒跣至于陵所永昌元年閏十一月己丑崩

元帝崩後諸公始有謁陵辭陵之事蓋田茂同友執率情而舉也成

帝時中官亦年年拜陵議者以為非禮漢書上穆帝時褚太后臨朝又

拜陵帝時幼也考武崩驃騎將軍會稽王道子曰今雖制祥服至於

朔日月半諸節自憲長情陵所以一周為斷於是至陵變服單衣煩

瀆無准非禮也及安帝元典元平左僕射相謙奏百僚拜陵起於中

興非晉舊典積習主常遂以近法武帝詔乃不使人主諸王拜陵

及義熙初入後江左之曰

自漢魏以來群臣不拜山陵王道以元帝暍同衣匪惟君臣而

已每一宗進皆就拜不勝哀感由此詔百官拜陵自導始

明帝崩葬武平陵七月氏子崩九月辛丑葬

五十一

成帝咸康七年皇后杜氏崩有司大行皇后陵所作凶門栢歷門  
號明陽端門詔曰門如於處凶門栢歷大為繁費停之按蔡謨說以  
二瓦器始死之際繫於木裏以整在置庭中近南門為重今之凶門  
是其象也禮記虞而作今未葬有主故以重當之禮稱為主道  
此其義也范堅又曰凶門非禮也懸重形似凶門後人出門以表  
喪俗遂行之簿帳即古弔幕之類也是時又詔曰重壤之下豈宜崇  
飾陵中唯絮掃而已有司又奏依舊選公卿以下六品子弟六十人  
為挽即詔又停之

成帝崩葬興平陵六月癸巳崩康帝徙行送夾至閭闔門凡升素輿  
至陵所

康帝崩葬崇平陵九月戊戌崩

穆帝永和八年峻平崇陽二陵景帝文帝臨三日遣殿中都尉王  
惠如洛陽以衛五陵

穆帝崩葬永平陵五月丁巳崩

哀帝崩葬安平陵二月丙辰崩

簡文帝崩葬高平陵七月己未崩

孝武帝崩葬陵平陵九月甲申崩

安帝義熙十二年劉裕北伐秦將姚光以洛陽降兼司空高彞王恢  
之修謁五陵

安帝崩葬休平陵十二月戊寅崩

恭帝崩葬平陵

宋崔元凱喪儀云銘旌全之施也天子火二尺皆施跗樹於壙中遣  
車九乘謂結草為馬以八為車疎布輜四面有障置壙四角以載遣

奠牢肉新取晉車各一枚

武帝崩葬丹陽建康縣初帝陵

武帝母孝懿皇后崩遺令漢世帝在陵皆異處今可於坐域之外

別為一壙一遵舊式乃開別壙與寧合壙初武帝徵時曾約過甚  
孝皇之殂葬禮多闕帝遺旨太后百歲後不須祔葬至今故稱右遺  
令云

文帝每歲正月謁初寧又孝武明亦每歲拜初寧袁安陵

文帝崩葬長安陵三月甲午崩

孝武帝崩葬丹陽秣陵縣巖山陵五月庚申崩

明帝崩葬臨邑縣英府山高寧陵月己亥崩

齊高祖崩葬齊東府前泚龍葬於武進泰安陵於龍舟卒哭

內外反吉三月甲午崩

武帝崩葬景安陵八月丙寅崩

明帝崩葬興安陵

梁武帝崩葬脩陵五月丙辰崩

簡文帝崩葬莊陵十月壬寅崩年候景日葬

陳末定三年七月武帝崩尚書左丞庾特云晉宋以來皇帝大行儀

注未祖一日告南郊太廟奏策奉謚梓宮將登輜輶侍中版奏已稱

某謚皇帝遺奠出於階下方以此時乃讀哀策而前代策文猶稱大

行皇帝請明加詳正國子博士知禮儀沈文珂等謂應劭風俗通前

帝謚未定臣子稱大行以別嗣主以檢梁儀自梓宮將登輜輶版奏

皆其謚皇帝登輜輶伏弄今祖祭以奉策謚哀策既在族道祭不應

猶稱大行且哀策不書藏於玄宮漢梁儀以傳無窮詔可

武帝崩六月成服時朝臣共議大行皇帝靈生俠御人衣服吉凶之

制博士沈文珂議宜服吉制師知禮云既稱成服本備喪禮按梁昭

明太子薨成服使侍之口悉著縗斬若縗不異此即可擬愚謂六

日成服使靈坐須服細麻中書舍人景歷江德深謝三司師知議

時以二議不同乃啓取左丞徐陵決斷陵云函簿吉部伍中公卿以

下導引者爰及武賞鼓吹執蓋奉車並是吉服豈容俠御為縗經

若言公卿胥吏並服縗經此與梓宮部伍有何差別若言文物並吉  
司事者凶豈容杖經而奉華蓋縗衣而升玉路邪同博士議謝岐議  
曰靈筵祔示廟梓宮還山陵實如左丞議但山陵凶薄尚有言凶從  
靈輿者儀服無變從梓宮者皆服直縗爰至士禮悉同此置此自是  
山陵之儀非獨成服今謂梓宮靈輿共在西階稱爲成服亦無鹵簿  
直是靈輿胥吏上至王公四海之內必備縗經按梁昭明太子薨略  
是成列豈容凡百士庶悉此日服重而侍中至於武衛臺是近官反  
鳴玉紆青輿吉不異左丞既推以山陵事愚意或謂輿也服有殊衆  
議不能決乃具錄二議奏問上從師知議

武帝崩葬萬安陵六月丙午崩

文帝崩葬永安陵四月丙寅崩

宣帝崩葬顯寧陵正月甲寅崩

後魏道武帝崩葬盛樂金陵天統六年十一月戊辰崩

明元帝崩葬雲中金陵十一月己巳崩

太武帝崩葬雲中金陵

文成帝崩葬雲中金陵五月崩

獻文帝崩葬雲中金陵

孝文太和十四年太皇太后馮氏崩帝哀毀過禮諸王公闕上表  
請時定兆域及依漢魏故事并太皇太后終制既葬公除曰自遭  
禍罰恍惚如昨奉侍梓宮猶希髣髴山陵遷厝所未甚聞王公復上  
表固請詔曰山陵可依典冊喪服之宜情所未忍帝欲親至陵所詔  
諸常從之具悉可停之其武衛之官防侍如法葬太后于永安陵帝  
謁陵王公固請公除不

按古者天子之喪七月而葬左傳以爲同軌至荀卿子曰天  
子之喪動四海屬諸侯又曰天子七月諸侯五月大夫士三  
月皆使其須足容事事足容成足容文文足容備曲容備

物之謂道矣也謂所待之斯也事喪具也道者委曲容物備物者也蓋以萬乘之尊

四海之廣喪期至於三年則必備物盡禮以致其孝勿之有

悔焉耳此古孝子之心也秦漢以來習為短喪之制例以既

葬釋服於是惟心葬期之不促自兩漢至六朝人主之喪大

行在殯少有及兩月者是天子而不克行大夫士之禮也魏

孝文力行古道獨行三年之喪而其臣狃於歷代之制固請

釋服欲釋重服則必先促葬期而帝答詔曰侍奉梓宮猶希

仿佛山陵廷厝所未忍聞固請而始葬既葬而不帶服

孝文帝崩葬長陵四月丙午崩五月丙申葬

初帝孝於文明太后乃於永固陵東北里餘營壽宮遂有終焉

望之至及廷洛陽乃自表瀍西以為山陵之所而方山虛宮號曰

萬年堂云方山即永固陵

宣武帝崩葬景陵正月丁巳崩二月甲午葬

孝明帝崩葬定陵二月癸丑崩三月乙酉葬

齊神武帝葬於鄴西北漳水之西齊義平陵

齊世子澄虛葬神武於漳水之西潛毀安鼓山石窟佛頂之旁

為穴納其柩而塞之殺其群臣及齊之亡也一匠之子知之發石

取金而逃

文宣帝崩葬武寧陵十月甲午崩次年二月丙申葬

孝昭帝崩葬文靜陵

武成帝崩葬永平陵十二月辛未崩次年二月甲申葬

周文帝葬成陵

孝閔帝崩葬靜陵

明帝崩葬昭陵四月辛丑崩五月辛未葬

武帝崩葬孝陵六月丁酉崩七月己未葬



宣帝崩葬定陵

五月己酉崩  
七月丙申葬

隋文帝崩葬太陵與獨孤后同墳異穴士庶赴葬者皆聽入視陵內

七月丁未崩  
十月乙卯葬

煬帝初葬吳公墓下後以葬雷塘

唐高祖葬獻陵在京兆府三涼縣界

五月六日崩  
十月庚寅葬

貞觀九年高祖崩詔定山陵制度依漢長陵故事務存崇厚時限

既促功役勞弊秘書監虞世南上封事曰臣聞古之聖帝明王所

以薄葬者非不欲崇高光明珍寶異物以厚其親然審而言之高

墳厚壠珍物必備此通為親累非曰孝也是以深思遠慮安於菲

薄以為長久萬代之計割其常之耳今為丘壠如此其內雖

不藏珍寶亦無益之萬代之後人但見高冢豈謂無金玉也臣

之愚計以為漢文霸陵既因山勢雖不起墳自然高敞今之所卜地勢

即平不可不起宜依白虎通所陳周制為三仞之墳其方中制度事事

減少事竟之日刻石于陵刻書今封大小高下之式明器所須皆以

瓦木合於禮文一不得用金銀銅鐵使後代子孫皆遵奉一通藏之

宗廟豈不美乎且臣下除服用三十六日已依霸陵今為壠壠又以長

陵為法非所依也伏願深覽古今為長久之慮書奏不報虞世南又

上疏曰漢家即位之初便營陵墓近者十餘歲遠者十五年方始成就

今以數月之間而造數十年事其於人力亦以勞矣漢家大命五十萬戶

即日人眾未及往時而工役與之一等此臣所致疑也又公卿上奏請遵

遺詔務從節儉太宗乃令中書侍郎岑文本謂曰朕欲一如遺詔朕臣子

之心不忍頓為儉素如欲稱朕崇厚之志使恐百代之後不免有廢毀

之憂朕為此不能自決以卿等平章必令得所勿致朕於不孝之地因

出虞世南封事付所司詳議以聞司空房玄齡等議曰按漢高祖長

陵高九丈光武陵高六丈漢文魏文並不封不樹因山為陵竊以長陵

制度過為宏侈二丈立規又傷矯俗光武中與明主多依典故遵為

成式實謂攸宜伏願仰遵故命俯順禮經詔曰朕既為子卿等為臣  
愛敬固極義猶一體無容固陳節儉陷朕於不義也今便敬依來  
議於是山陵制度頗有減省

唐凡國陵之制皇祖以上至太祖陵皆朔望上食元日冬至寒食伏  
臘社冬一祭皇考陵朔望及節祭而日進食又薦新於諸陵其物五  
十有六品始將進御所司必先入送太常與尚食滋味薦之如宗廟  
貞觀十三年正月一日太宗朝于獻陵先是日宿設黃麾仗周衛陵  
寢至是質明七廟子孫及諸侯百寮蕃夷君長皆陪列於高馬門內  
太宗至小次降輿納履哭於闕門西面再拜慟絕不能興禮畢改服  
入于寢宮執饌閱視高祖及先后服御之物匍匐牀前悲慟左右侍  
御莫不欷歔

十八年帝謂侍臣曰昔漢家皆先造山陵既達婚終身復親見又省  
子孫經營不頓費人功古者因山為墳此誠便事九峻山孤聳迥絕

因而旁鑿可置山陵處朕有終焉之理乃詔營山陵於九峻山之上  
足容一棺而已務從儉約又佐命功臣義深舟楫追念在昔何日忘  
之漢氏相將陪陵又給東園秘噐篤終之義恩意深厚自今以後功  
臣密戚及德業佐時者如有薨亡賜塋地一所及賜以秘噐使窀穸  
之時喪事無闕凡功臣密戚請陪陵葬者聽之以文武分為左右而  
列墳高四丈已下三丈已上若父祖陪陵子孫從葬者亦如之若宮人陪葬則陪  
陵皆置留守領甲士與陵令相知巡警左  
右兆域內禁人無葬埋古墳則不毀之

獻陵陪葬名氏楚國太妃氏館陶公主河間王孝恭襄邑王神  
符清河王誕韓王元嘉彭王元則道王元慶鄭王元懿號王元鳳  
鄴王元亨徐王元禮滕王元嬰鄧王元裕魯王元夔霍王元軌江  
王元祥密王元曉并州總管張綸榮國公樊興平原郡公王長楷  
譚國公丘和巢國公錢九龍刑部尚書劉德威刑部尚書沈叔安  
十年十一月葬文德皇后長孫氏於昭陵帝為文刻之石稱皇后節

儉遺言薄葬以為盜賊之心止求珍寶既無珍貨復何所求朕之本  
意亦復如此王者以天下為家何必物在陸中乃為已有今因九嵎  
山為陵鑿石之功纔百餘人數十日而畢不藏金玉人馬器四皆用  
土木形具而已庶幾姦盜息心存歿無累當使百世子孫奉以為法  
上念后不已於苑中作層觀以望昭陵常引魏徵同登使視之徵熟  
視曰臣昏眊不能見上指示之徵曰以為陛下望獻陵若昭陵則臣  
固見之矣上泣為之毀觀

太宗崩葬昭陵在京北府醴泉縣因九峻層峰鑿山南西深七十五  
尺為玄宮山旁岩架梁為棧道懸絕百仞繞山二百三十步始達玄  
宮門頂上亦起遊殿五月己巳崩  
八月庚寅葬

文德皇后即玄宮後有五重石門其門外於雙棧道上山起舍宮  
人供養如平常及太宗山陵畢宮人亦依故事留棧道准舊山陵  
使閻立德奏曰立宮棧道本留擬有今日今既始終永畢與前事

不同謹按故事唯有寢宮安神供奉之法而無陵上侍衛之儀望  
除棧道固同山岳上噴咽不許長孫無忌等援引禮經重有表請  
乃依奏

上欲闡揚先帝徽烈公匠人琢石為碑蕃君長貞觀中為服者  
頡利等十四人列於北司馬門內

昭陵陪葬名氏 越國太妃蘇氏趙國太妃楊氏紀國太妃

韋氏賢妃鄭氏才人徐氏鄭國夫人彭城郡夫人蜀王愔趙王福

紀王慎越王真嗣妃王澄等王明將王暉清河公主駙馬程知亮

晉國公主駙馬韋口安豫章公主駙馬唐善識新興公主駙馬長

孫儀蘭陵公主駙馬口實懷哲高密公主駙馬段綸長樂公主駙馬

長孫冲遂安公主駙馬王大禮南平公主駙馬劉玄懿衛陽公主

駙馬阿史那杜爾新城公主駙馬韋政舉城王公主駙馬薛瑾長

廣公主駙馬楊師道襄城公主駙馬蕭銳長沙公主駙馬豆盧讓

安康公立駙馬獨孤彥雲臨川公主駙馬周道務齊安公主駙馬  
史仁表中書令馬周中書令岑文本并男方倩中書令崔敦禮英  
國公李勣衛國公李靖雲國公溫彥博宋國公蕭瑀申國公高士  
廉梁國公房玄齡鄭國公魏徵高陽公許敬宗趙國公長孫無忌  
言國公唐儉吏部侍郎馬載戶部尚書李大亮兵部尚書房仁裕  
禮部尚書張復洵國子祭酒孔穎達禮部侍郎孔志約工部侍郎  
孔元惠太常卿褚亮禮部尚書虞世南工部尚書閻立德吏部侍  
郎姜晦太常卿姜皎殿中監唐嘉會學士姚思廉衛尉卿魏叔玉  
光祿卿姜遠秘書監岑景倩宗正卿李之秀光祿卿房光義并男  
原州別駕韓咸陽縣丞曜衛尉卿房光敏并男閬州刺史誕清河  
郡主婿贈馮臚卿齊庭蘭金州刺史盧正松洪州刺史吳黑闥晉  
州刺史裴藝靈州刺史竇義節衛州刺史蕭鄴吏部郎中馬觀幽  
州都督長孫敞原州都督李政明臨淮公李規瑯琊公王珍常州

公李情千金公李俊中山王李裕汝州別駕房漸左清道率房恒  
江夏王道宗雍州長史李弼夔國公弘基觀國公楊仁恭原州都  
督史幼慶陝王府司馬史爲謩芮國公豆盧行業西平郡王李琛  
簡州刺史李震安南都督姜簡薛國公阿史那忠鄂國公尉遲敬  
德嘉國公周仁護丹陽公李客師鴈門公梁建方魏國公張士貴  
胡國公秦叔寶周國公鄭仁泰大將軍薛吐摩大將軍蘇泥熟大  
將軍漢東公李孟營芮國公盧寬大將軍尉遲寶林大將軍阿史  
那道真大將軍立行恭大將軍寶蘭整大將軍張世師大將軍許  
洛仁大將軍張延師大將軍瑯琊王駢大將軍懷德公于伯億左  
金吾大將軍梁仁裕大將軍中波利大將軍姜確大  
將軍可汗阿史那步真大將軍史奕大將軍李森大將軍阿史那  
德昌大將軍公孫稚靖右監門將軍執失善左金吾將軍房先忠  
內侍張阿難橫野軍都督校拽都督渾大寧于闐王尉遲光盧國

公程知節將軍仇儼古將軍杜君綽將軍麻仁靖將軍賀拔儼將  
會何道將軍楊思訓將軍元仲文將軍豆盧承基將軍斛思正貴  
將軍徐定成將軍廣野將軍段志玄將軍薛萬鈞將軍元思玄將  
軍李承祖將軍薛承慶右衛郎將軍斛遊昱左衛即將軍姜昕中  
即將於存爽天冊府記室薛收右衛大將軍李思摩薩寶王贊普  
新羅王女德真初長於無日自於昭陵封內先造墳墓至上元元  
年九月七日許歸葬

永徽二年有司言定帝時獻陵斷三年惟朔望冬至夏秋伏臘清明  
社上食今昭陵喪期畢請上食如獻陵從之

六年正月朔高宗謁昭陵行哭就位再拜擗踊畢易服謁寢宮入寢  
哭踊進東階西向拜號久之為太牢之饌加珍羞拜哭莫饌闕服御  
而辭行哭出寢北門御小殿還

顯慶五年詔歲春秋季一巡心宜以三公行陵太常少卿貳之太常給

國簿仍著於令

高宗崩葬乾陵在京兆府奉天縣界弘道元年十二月四日崩次年八月庚寅日葬

乾陵陪葬名氏 章懷太子賢懿德太子重潤澤王上金許王

素節邠王守禮義陽公主新都公主水泰公主安興公主特進王

及善中書令薛元超特進劉蕡禮尚書左僕射豆盧欽望左僕射

楊再思右僕射劉仁軌左衛將軍李謹行左武衛將軍高侃

始貞觀禮歲以春仲月巡陵至武后時乃以四季月生日忌日遣

使詣陵起居景龍二年右志符御史唐紹上書曰禮不祭墓唐家

之制春秋仲月遣使具鹵簿衣冠巡陵天授之後乃有起居遂為

故事夫起居者參侏動上事生之道非陵寢法請停四季及生日

忌日節日起居準式二時巡陵手敕曰乾陵歲冬至寒食以外使

二忌以內使朝奉它陵如紹奏至是又獻昭乾陵皆日日祭太常

博士彭景直上疏曰禮無日祭陵惟宗廟有祭故三者設廟桃

壇墀爲親疎多少之數立七廟一壇一墀曰考廟曰王考廟曰皇  
考廟曰顯考廟皆月祭之遠廟爲祫享嘗乃止去祫爲壇去壇爲  
墀有禘焉祭之無禘乃止又禘同祭志天子始祖高祖曾祖祖考  
之廟皆月朔加禘以祫生祠合謂之月祭二祫之廟無月祭則  
古皆無日祭者今諸朔望食則近於古之殷事諸節日食近於古  
之薦新鄭注禮記殺事月也半薦新之謂之大禘即四時焉  
此其祭皆在廟近代始以朔望諸節祭陵寢唯四時及臘五享廟  
考經據禮固無日祭於陵唯漢七廟議京師自高祖下至宣帝與  
太上皇悼主考及旁立廟園各日寢便殿故日祭於寢月祭於便  
殿元帝時貢禹以禮節煩數願罷郡國廟丞相韋玄成等又議七  
廟外寢園皆無復議者亦以祭不欲數宜復古四時祭於廟後劉  
歆引春秋傳日祭月祀時享歲貢祖禘則日祭曾高則月祭二祫  
則時享壇墀則歲貢後漢陵寢之祭無傳焉魏晉以降皆不祭墓

國家諸陵日祭請停如禮疏奏天子以語侍臣曰禮官言諸陵不  
當日進食夫禮以人情公革何專古爲乾陵宜朝脯進莫如故昭  
獻二陵日一進或所司苦於費可減朕常膳爲之  
武后崩將合葬乾陵給事中嚴善思建言尊者先葬卑者不得入  
今啓乾陵是以卑動尊術家所忌且玄闕石門冶金鋼隙非攻擊  
不能開神道幽靜名所驚瀆若別攻隙以入其中即往昔葬時神  
位前定更且有害曩營乾陵因有大難易姓建國二十餘年今又  
營之難且復生合葬非古况事有不文豈足循據漢世皇后別  
起陵墓魏晉始合葬漢禮祀四百魏晉祚卒不長亦其驗也今若  
更擇吉地附近乾陵取從葬之義使神有知無所不通若其無知  
合亦何益山川精氣上爲列星葬得其所則神安而後嗣昌失其  
宜則神危而後嗣損願割私愛使社稷久長中宗不納  
中宗崩葬定陵在京兆府富平縣界六月二日崩十一月已門葬

唐宗崩葬橋陵在京北府奉先縣界五月十二日崩

五月庚午日葬

致堂讀史管見言明皇於睿宗孝養素薄故其崩也五月而遷葬以為薄於其親然愚嘗攷之自漢以來並未嘗守天子七月而葬之制如隋以前歷代葬期多只在一兩月之內蓋以預規山陵而嗣考又急於從吉故也雖至孝如晉武帝魏孝文亦迫於其臣下請不免徇近代之制惟以禱亂不克葬者方有數月之淹如梁武帝父子是也至唐高祖崩五月而葬則以升遐之後方營山陵故少遲於前代虞世南諫疏可見及太宗頃為壽藏則又不及五月高宗以後或遲或速大槩不越五六月雖少遲於近代而終未能復古豐明皇蓋亦循故事耳致堂豈未之考耶

橋陵陪葬名氏

即懿太子重俊且城公主金城公主長寧公主

主城安公主定安公主鄔國公主彭國公主駙馬李思訓

開元十七年玄宗因拜橋陵至金粟山觀岡巒有龍盤鳳翔之勢謂左右曰吾千秋後宜葬於此後遂追先旨葬焉

天寶二年制每歲以九月一日薦衣于陵寢又以寒食薦餠粥鷄黍雷車五月五日薦衣扇

十三載制獻昭乾定橋五署改為基三令丞各置一階自後諸陵例皆稱臺

開元禮皇帝謁陵行宮距陵十里設坐於齋室設小次於陵所道西南大次於寢西南侍臣次於上以西首陪位者次又於西南皆東向文官於北武官於南朝集使又於南皆相地之宜前行二日遣太尉告於廟皇帝行至宮即齋室改令以王冊進署設御位於陵東南隅西向有岡麓之闕則隨地之宜又設位於殿宮之殿東陸之東南西向尊姑陳于堂戶東南百官行從宮室及仗位神道左右寢宮則分方序立大次前其日未明玉刻陳黃麾太以於陵寢三刻行事官及

宗室親五等諸親三等以上并客使之當階者就位白皇帝素服乘馬  
華蓋繖扇侍臣騎從詣小次步出次至位再拜又再拜在位皆再拜  
又再拜少選大常卿請辭皇帝再拜又再拜去禮曰奉辭在位者再  
拜皇帝還小次乘馬詣大次仗衛列立以俟行百官宗室諸親客使  
序立次前皇帝步至寢宮南門仗衛乃入繇東序寢殿陛東南位  
再拜升自東階北向再拜又再拜入省服玩按杖帳貴進太牢之饌  
加珍羞皇帝出尊酌酒入三奠爵北立太祝二人持玉冊于戶外  
東向跪請皇帝再拜又再拜乃出戶當前北向立太常卿請辭皇帝  
再拜出東門還大次宿行宮若太子諸王公主陪葬柏城者皆祭寢  
殿東廡功臣陪葬者祭東序為位奠饌以有司行事或皇台從謁則  
設大次寢宮東先朝妃嬪次於大次南大長公主諸親命婦之次又  
於其南皆東向以行惟具帳謁所內謁者設皇后位於寢宮東大次  
前少東先朝妃嬪位西南各於次東司替位妃嬪東北皆東向皇帝

既發行宮皇后乘四望車之大次改服假髻白練單衣內典引導妃  
嬪以下就位皇后再拜陪者皆拜少選遂辭又拜陪者皆拜皇后還  
寢東大次陪者退皇后鈿釵禮衣乘輿詣寢宮先朝妃嬪大長公主  
以下從至北門降輿入大次詣寢殿前西階之西妃嬪公之位於西  
司贊位妃嬪東北皆東向皇后再拜在位者皆拜皇后繇西階入室  
詣先帝前再拜復詣先后前再拜進省先帝服玩退西廂東向立進  
食皇帝乃陞西階位辭再拜妃嬪皆拜詣大次更衣皇帝過乃出寢  
宮北門乘車還天子不躬謁以太常卿行謁所司撰日車府令具  
輅車一馬馮道青衣團扇曲蓋繖列侯于太常寺門設次陵南百步  
道東西向左右校令具雜器以備汛掃太常卿公服乘車去禮郎以下  
從至次設幄位北門外之左陔官位卿東南其事又於其南皆西向  
奉禮郎位陔官之西贊引二人居南太常卿以下再拜在位皆拜謁  
者導卿贊引導殿官入奉行復位皆拜出乘車之它陵有芟治則命



之自開元十七年以後無知謂陵故事

玄宗崩葬泰陵在京北府奉先縣界三月十八日崩次

泰陵陪葬名氏 增楊州大都督高力士

肅宗崩葬建陵在京北府醴泉縣界三月十八日崩次

建陵陪葬名氏 尚父方陽王郭子儀

建陵欲於墳所經直於其如過年通便陵身修營宜令所司其其種也

寶曆二年二月大常奏治尊孝敬皇帝以下四陵宜停朝拜事孝敬皇帝

恭陵讓皇帝建陵奉天皇帝齊陵承立皇帝順陵

前件四陵昔年追尊大號皆是恩刻緣情而行當時已不合經典今乃二時朝拜上擬祖宗切以情禮恒之差過猶不及謹安禮記及歷代禮文并國朝故事皇帝旁親血無服又云五代而親屬盡伏以四陵親非祖宗事無故德緣情權制以禮合變更有司因循尚為常典况今宗廟之上遷代已遠尊卑隆殺朝拜須停勅旨依奏

代宗崩葬元陵在京北府寧平縣界五月二十日崩 無陪葬

葬代宗時發引帝見輜輶車不當馳道移指丁未之間問其故有司曰陛下本命在午不敢衝也上哭曰安有枉靈駕而謀自利乎命改轍直午而行

貞元十四年今有司修葺陵寢以昭陵舊宮先因火焚毀故詔百官詳議議者多言舊宮既被焚燒請移就山下或有議請修舊宮者上意亦不欲移由是復以山上也定於是遣左諫議大夫平章事崔損完修八陵使及所司計獻昭昭定泰五陵各造屋三百七十八間橋陵一百四十間元陵三十間唯建陵不復創造但修葺而已所緣陵寢中惟祿林葬一事已上並令制置上親閱焉

德宗崩葬崇陵在京北府雲陽縣界十月崩 無陪葬

順宗崩葬豐陵在京北府富平縣界七月崩 無陪葬

憲宗崩葬景陵在京北府奉天縣界五月崩

景陵陪葬名氏 惠昭太子李孝明太后鄭氏懿安太后郭氏 賢妃王氏

穆宗崩葬光陵在京兆府奉先縣原 五月崩 十一月葬

光陵陪葬名氏 恭僖太后王氏正獻太后蕭氏

敬宗崩葬莊陵在京兆府三原縣原 十二月崩 七月葬

莊陵陪葬名氏 悼懷太子賢

文宗崩葬章陵在京兆府富平縣原 正月崩 無陪葬

武宗崩葬端陵在京兆府三原縣原 三月崩 八月葬

端陵陪葬名氏 賢妃王

宣宗崩葬正陵在京兆府雲陽縣原 八月崩 二月葬

正陵陪葬名氏 婕妤柳氏

懿宗崩葬簡陵在京兆府富平縣原 七月崩 二月葬 無陪葬

僖宗崩葬靖陵在京兆府奉天縣原 三月崩 二月葬 無陪葬

昭宗崩葬和陵在河東府緜州縣界

梁太祖崩葬宣陵在洛京伊闕縣 六月五日崩 十月十日葬

後唐同光三年六月勅關內諸陵項因喪亂例遭穿發多未掩修其

下宮殿宇法物等各令奉陵州府據所管陵園修製仍四時各依例

薦饗逐陵各差遣使百姓二十戶放雜差役以備灑掃其壽陵等一

十陵亦一例修掩量差陵戶仍設尚書工部郎中李逢京兆少尹完

修奉諸陵使

後唐莊宗崩葬維陵在洛京新安縣 四月崩 七月葬

明宗崩葬徽陵在洛京洛陽縣 十一月崩 四月葬

帝清泰三年車駕北平路當徽陵乃至陵所朝謁

晉高祖崩葬顯陵在洛京壽安縣 六月十三日崩 十月十日葬

漢高祖崩葬魯陵在洛京都城縣 二月二十七日葬

愷帝崩葬頴陵在許州陽翟縣 八月二十一日葬

周太祖崩葬高陵在鄆州新鄭縣四月十三日葬

先時帝屢戒晉王曰昔吾西征見唐十八陵無不發掘者此無他  
惟多藏金玉故也我死當衣以紙衣歛以瓦棺速營葬勿久留宮  
中廢中無用石以壁代之工人徒役皆和雀勿以須民葬畢募近  
隸民三十戶蠲其雜徭使之守視勿修下宮勿置守陵宮人勿作  
石羊虎人馬牲刻石至陵前云周天子平生好儉約遺令用紙衣  
瓦棺嗣天子下敢違也汝其違吾不福汝

世宗顯德元年六月車駕征太原回拜嵩陵至陵所哀泣感左右祭  
奠而退歸奉陵將吏及近郊八金帛有差

世宗崩葬愛陵在鄆州管城縣十一月十一日葬

恭帝崩葬順陵在 慶陵之側

文獻通考卷之一百二十五

